

Adroddiad i	Awdurdod Tân ac Achub Gogledd Cymru – Cyfarfod Blynyddol
Dyddiad	17 Gorffennaf 2023
Swyddog Arweiniol	Gareth Owens, Clerc a Dafydd Edwards, Trysorydd
Swyddog Cyswllt	Gareth Owens (01745 535286)
Pwnc	Cynllun Cydnabyddiaeth Ariannol Aelodau



PWRPAS YR ADRODDIAD

- 1 Rhoi gwybod i Aelodau Awdurdod Tân ac Achub Gogledd Cymru (yr Awdurdod) am y cyfraddau presennol o gydnabyddiaeth ariannol i Aelodau a chymeradwyo'n ffurfiol yr atodlen o daliadau a wnaed yn ystod blwyddyn ariannol 2022/23.

CRYNODEB GWEITHREDOL

- 2 Mae [Adroddiad Blynyddol](#) Panel Annibynnol Cymru ar Gydnabyddiaeth Ariannol (IRPW) yn nodi newidiadau i gydnabyddiaeth ariannol aelodau ac mae'r adroddiad hwn yn cynnwys gwybodaeth am y newidiadau hynny sy'n effeithio ar aelodau awdurdodau tân ac achub.

ARGYMHELLION

- 3 Gofynnir i'r Aelodau:
 - (i) nodi penderfyniadau IRPW mewn perthynas â lwfansau a thâl Aelodau, sy'n dod i rym o 1 Ebrill 2023;
 - (ii) rhoi awdurdod dirprwyedig i'r Clerc i ddiweddarau'r atodlen tâl Aelodau yng nghyfansoddiad yr Awdurdod a gwneud unrhyw ddiwygiadau angenrheidiol i atodlen 2023/24 o bryd i'w gilydd yn ystod blwyddyn y Cyngor, er mwyn adlewyrchu unrhyw newidiadau yn aelodaeth yr Awdurdod, neu o ganlyniad i unrhyw adroddiadau atodol a gyhoeddwyd gan IRPW; a
 - (iii) chymeradwyo'r atodlen o daliadau a wnaed yn ystod 2022/23 fel sy'n ofynnol gan IRPW.

ARSYLWADAU'R PANEL GWEITHREDOL/PWYLLGOR ARCHWILIO

- 4 Nid yw'r adroddiad hwn wedi cael ei ystyried gan yr Aelodau o'r blaen.

CEFNDIR

- 5 Estynnwyd cylch gwaith y Panel Annibynnol ar Gydnabyddiaeth Ariannol (IRP) drwy Fesur Llywodraeth Leol (Cymru) 2011. O dan y pwerau a ddarparwyd gan y Mesur, mae'r Panel ar Gydnabyddiaeth Ariannol wedi cynhyrchu set newydd o Reoliadau a ddaeth i rym ar 1 Ebrill 2012. Mae'r Rheoliadau'n gymwys i daliadau a wneir i aelodau ac aelodau cyfetholedig awdurdodau lleol, awdurdodau'r parciau cenedlaethol ac awdurdodau tân ac achub Cymru.

GWYBODAETH

- 6 Ar gyfer 2023/24 mae'r Panel wedi penderfynu gwneud cynnydd bychan o 4.76% yng nghyflog sylfaenol aelodau etholedig y prif gynghorau, gyda chynnydd canlyniadol i aelodau'r parciau cenedlaethol ac awdurdodau tân ac achub.
- 7 Ar gyfer awdurdodau tân ac achub, mae penderfyniadau'r Panel fel a ganlyn:

	Cyflog 2023/24 o 1 Ebrill 2023	Cyflog 2022/23
Cyflog sylfaenol ar gyfer aelod cyffredin o Awdurdod Tân ac Achub	£2,482	£2,369
Uwch gyflog i Gadeirydd Awdurdod Tân ac Achub	£11,282	£11,162
Uwch gyflog i Ddirprwy Gadeirydd Awdurdod Tân ac Achub a Chadeirydd y Pwyllgor Archwilio*	£6,222	£6,109

* Gellir talu uwch gyflog yr Awdurdod Tân ac Achub i'r dirprwy gadeirydd a hyd at ddau gadeirydd pwyllgorau lle mae ganddynt gyfrifoldeb sylweddol a pharhaus.

- 8 Yn ychwanegol at yr uchod:
- mae'r Panel wedi penderfynu cynnwys darpariaeth i Awdurdodau Tân ac Achub wneud cais am uwch gyflogau penodol neu ychwanegol nad ydynt yn dod o fewn y fframwaith taliadau presennol;
 - ni chaiff aelodau dderbyn mwy nag un uwch gyflog gan yr Awdurdod Tân ac Achub;
 - caiff uwch gyflog Awdurdod Tân ac Achub ei dalu gan gynnwys cyflog sylfaenol Awdurdod Tân ac Achub a rhaid iddo adlewyrchu cyfrifoldeb sylweddol a pharhaus; ac
 - Ni all aelodau prif gyngor sy'n derbyn uwch gyflog band 1 neu fand 2 dderbyn cyflog gan unrhyw Awdurdod Tân ac Achub y maent wedi eu henwebu iddo. Lle bo'r sefyllfa hon yn berthnasol, cyfrifoldeb yr aelod unigol yw cydymffurfio.

- 9 Mae Cadeirydd yr Awdurdod hefyd yn Gadeirydd y Panel Gweithredol a dim ond un cyflog y gall ei hawlio. Mae'r Panel Gweithredol a'r Pwyllgor Archwilio yn cyfarfod bedair gwaith y flwyddyn. Felly, argymhellir bod yr Awdurdod yn parhau gyda'i benderfyniad blaenorol y bydd Cadeirydd y Pwyllgor Archwilio yn cael ei dalu o dan y categori "cadeirydd pwyllgor arall".

Aelodau Annibynnol

- 10 Mae'r ffi sy'n cael ei thalu i aelodau annibynnol y Pwyllgor Safonau wedi aros yr un fath. Mae'r ffi ddyddiol yn cael ei chapio ar uchafswm o 4 diwrnod llawn y flwyddyn ar y cyfraddau canlynol:

	Cyfradd ddyddiol 2023/24 o 1 Ebrill 2023
Cadeirydd y Pwyllgor Safonau	Ffi ddyddiol o £268 (£134 am hanner diwrnod)
Aelodau Annibynnol	Ffi ddyddiol o £210 (£105 am hanner diwrnod)

Lwfans Teithio, Cynhaliaeth a Gofal

- 11 Ni fu unrhyw newidiadau i lwfansau teithio, cynhaliaeth a gofal sy'n unol â chyfraddau Llywodraeth Cymru. Atgoffir yr Aelodau y cytunwyd yng nghyfarfod GTAGC ym mis Mehefin 2018 y gellir hawlio cynhaliaeth pan fydd aelodau oddi cartref am bum awr neu fwy, mae hyn yn unol â rheolau CThEF.

- **Cynhaliaeth**

£28 y dydd

Lwfans dydd ar gyfer prydau bwyd, gan gynnwys brecwast, lle nad yw wedi'i ddarparu yn y tâl dros nos. Rhaid bod i ffwrdd am 5 awr neu fwy i wneud cais am gynhaliaeth.

- **Llety**

£200 y noson

Llundain a Chaerdydd

£95 y noson

Mewn mannau eraill

£30 y noson

Aros gyda ffrindiau a/neu deulu

- **Milltiroedd** Mae'r gyfradd yn parhau ar 45c y filltir.

- 12 Atgoffir yr Aelodau hefyd, er mwyn cefnogi Aelodau presennol ac annog amrywiaeth, ac yn unol ag argymhellion IRPW, bod yr Awdurdod yn ad-dalu costau gofal ar gyfer dibynyddion ar ôl cyflwyno derbynebaw fel a ganlyn:
- a. Ar gyfer gofal cofrestredig – costau gwirioneddol
 - b. Ar gyfer gofal anghofrestredig – hyd at gyfradd uchaf sy'n cyfateb i'r Cyflog Byw Gwirioneddol.
- 13 Rhaid i'r Awdurdod hefyd gyhoeddi pob blwyddyn gyfanswm y taliadau a wneir i bob aelod. Mae Adroddiad IRPW yn datgan:
- "Rhaid i awdurdod perthnasol wneud trefniadau i'w gyhoeddi o fewn ardal yr awdurdod o'r cyfanswm a dalwyd ganddo yn y flwyddyn ariannol flaenorol i bob aelod ac aelod cyfetholedig mewn perthynas â chyflog (sylfaenol, uwch a dinesig), lwfansau, ffioedd ac ad-daliadau mewn Datganiad o Daliadau (yn unol ag Atodiad 4 sy'n nodi'r cynnwys y mae'n rhaid ei gynnwys yn y Gofynion Cyhoeddusrwydd)."
- 14 Mae Atodiad 1 yr adroddiad hwn yn nodi cyfanswm y taliadau a wnaed yn ystod 2022/23.

GOBLYGIADAU

Amcanion Llesiant	Ystyriwyd nad ydy hyn yn berthnasol.
Cyllideb ar gyfer 2023/24	Mae'r cynnydd hwn wedi'i gynnwys yn y gyllideb ar gyfer 2023/24.
Cyfreithiol	<p>Mae Rhan 8 ac atodlenni 2 a 3 o Fesur Llywodraeth Leol (Cymru) 2011 yn nodi'r trefniadau ar gyfer taliadau Aelodau o awdurdodau perthnasol a swyddogaethau a chyfrifoldebau IPRW.</p> <p>Yn unol â Rheoliadau a chanllawiau IRPW a nodir yn Adroddiad Blynyddol drafft IRPW ar gyfer 2017/18, rhaid i'r Awdurdod lunio a chynnal Atodlen flynyddol o Gydnabyddiaeth Ariannol Aelodau sy'n nodi manylion y taliadau penodol y mae'n bwriadu eu gwneud i Aelodau ac Aelodau Cyfetholedig yn unol â'r lefelau tâl a lwfansau a bennir gan IRPW yn ei Adroddiadau Blynyddol neu Atodol terfynol.</p> <p>Rhaid i unrhyw newidiadau i'r Atodlen a wnaed yn ystod blwyddyn y cyngor gael eu cyfleu i'r IRPW cyn gynted ag y bo'n ymarferol ar ôl i'r diwygiadau gael eu gwneud.</p>
Staffio	Ystyriwyd nad ydy hyn yn berthnasol.
Cydraddoldeb/ Hawliau Dynol/y Gymraeg	Ni ystyrir bod angen mynd i'r afael ag unrhyw faterion gan fod yr argymhellion yn berthnasol i'r holl Aelodau beth bynnag fo'u nodweddion gwarchodedig o dan y Ddeddf Cydraddoldeb Sengl.
Risgiau	Ystyriwyd nad ydy hyn yn berthnasol.